

# Meris Suljagić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Meris Suljagić
Naziv Teme	Kontrastivna analiza zamjenice ES u sintaktičkoj funkciji formalnog subjekta
Rezime/Abstract	<p>Teorijski dio rada je organiziran deduktivno. U uvodnom dijelu kandidat ukratko predstavlja metodologiju pisanja ovog rada. Drugo je poglavlje rezervirano za tekstnu lingvistiku te posebno za pojam tekst. Prije no što se kandidat posvetio stvarnome predmetu teorijskoga dijela rada, zamjenici es te njenim sintaksičkim funkcijama, potrebno je bilo prvenstveno reći nešto o transfrastičkoj razini. Prije svega je to neophodno jer je jedan od osnovnih ciljeva empirijskoga dijela rada analiziranje zamjenice es u raznim tekstnim vrstama te utvrđivanje mogućih razlika koje su uvjetovane transfrastičkim strukturama odnosno različitim karakteristikama analiziranih tekstnih vrsta. Shodno tome su drugo i treće poglavlje teorijskoga dijela posvećena tekstu i tekstnim vrstama gdje je kandidat na osnovu dosadašnjih naučnih spoznaja i rezultata utvrdio kriterije za definiranje teksta koji su predstavljali teorijsko polazište za analizu. Sljedeće je poglavlje teorijskoga dijela rezervirano za kategoriju rečenice koja je jedan od ključnih pojmova cijeloga rada. Imajući u vidu da je rečenica pojam koji je u lingvistici veoma sporan i kojega je shodno tome veoma teško definirati, osnovni zadatak poglavlja o rečenici bio je na osnovu dosadašnjih naučnih spoznaja i rezultata utvrditi kriterije za definiranje rečenice koji su fungirali kao teorijsko polazište za empirijsku analizu. Nakon rečenice kandidat je predstavio kriterije za definiranje rečenih dijelova. Nakon toga kandidat se osvrnuo na bezličnost u njemačkom i b/h/s jeziku te na bezlične konstrukcije u oba jezika. U sljedećem je poglavlju kandidat opisao sintaksičke funkcije koje zamjenica es može imati te se fokusirao na funkciju formalnog subjekta gdje je pojasnio kada zamjenica es može imati funkciju formalnog subjekta. Zatim se kratko dotakao mogućih ekvivalenata u b/h/s jeziku. Kandidat je analizom korpusa utvrdio da analizirane konstrukcije nemaju uvijek istu morfo-sintaksičku funkciju u dva kontrastirana jezika što znači da su moguće razlike između dva kontrastirana jezika. Opsežnom analizom kandidat je nadalje utvrdio da transfrastička razina može utjecati na sintaksičke funkcije zamjenice es čime su postavljene hipoteze potvrđene. Ciljevi, obim i sadržaj istraživanja u okviru ove teme jasno su određeni i strogo ograničeni. Metodološki je to konzistentna analiza navedene teme, sa konkretnim rezultatima dobivenim analizom korpusa koji sačinjen od raznih tekstnih vrsta (književnih tekstova, uporabnih tekstova, vremenskih prognoza). Opširna analiza i izvedeni zaključci predstavljaju potpun odgovor na zadatu temu.</p>
Datum	27.05.2016
Predsjednik	dr. sc. Meliha Hrustić, vanredni profesor izabrana za užu naučnu oblast „Savremeni njemački jezik“ na Filozofskom fakultetu Univerziteta u Tuzli
Mentor	dr. sc. Ivica Tokić, docent izabran za užu naučnu oblast „Savremeni njemački jezik“ na Filozofskom fakultetu Univerziteta u Tuzli
Član komisije	dr. sc. Alma Halidović, docent izabrana za užu naučnu oblast „Savremeni njemački jezik“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	doc. dr. Azra Bešić
Dodatni detalji i lokacija	Dana 27.05.2016. godine u 12:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.